

Yu garra joinimap ola wed garram ola raitwan pitja.

det trubala wed bla God

speshalwan shet

jinggabat weya God bin seibum yu

belt

shild

bigbala naif

bilib brabliwei

speshalwan het



but

sidan redi bla go en dalimbat det gudnyus

dum ebrijing raitwei

keriyimap det baibul langa yu main

Detlot speshalwan klos blanga ola kristjan pipul

¹⁴ Yumob garra werrimon ol dislot speshalwan klos jis laiga solja weya im werrimon speshalwan klos blanga fait. Det trubala wed blanga God im jis laiga belt weya im meigim ebrijing fit, en yumob garra werrimon det belt brabliwei. En yumob garra oldei dum ebrijing raitwei du, dumaji wen yumob sidan lagijat, im jis laik yumob werrimon det speshalwan shet weya enijing kaan herdim yu insaid langa hat. ¹⁵ En yumob garra oldei sidan redi blanga go en dalimbat det gudnyus, dumaji det gudnyus na garra meigim pipul sidan gudwei. Yumob garra sidan redi jis laik det solja weya im oldei werrimon im but redi blanga fait. ¹⁶ En yumob garra oldei bilib brabliwei en nomo larram enijing brom det boswan dibuldibul tatjam yu jis laik det solja weya im yusum det shild blanga stapam enijing weya det enami tjakambat langa im. ¹⁷ En yumob garra oldei jinggabat weya God im seibum yumob, dumaji wen yumob jinggabat lagijat, im laik det speshalwan het weya det solja oldei werrimon blanga stapam enijing brom kilimbat im langa hed. En yumob garra keriyimap det baibul langa yumob main, dumaji det baibul im jis laik det bigbala naif weya det solja oldei keriyimap, en det Holi Spirit bin gibit yumob det naif.

brom Ifishans 6.14-17